


Bíblia ba labarik sira
aprezenta

Bainhira Maromak
hakiak buat sira
hotu



Hakerek na'in: Edward Hughes
Hahilas na'in: Byron Unger; Lazarus
Alastair Paterson
Adapitasaun: Bob Davies; Tammy S.
Tradusaun: José Guerreiro Junior
Produsaun: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

Autorizasaun: Ita-boot iha direitu atu halo kopi ka printer
istória ida ne'e, desdeke la faan.




Sé mak hakiak ita? Bíblia, Maromak nia Liafuan,
hatete nu'udar ema hahu. Iha tempu kleur ona,
Maromak hakiak Adão ho rai-uit. Kuandu Maromak
huu iis moris iha Adão, nia hahu moris. Nia
hela iha jardin ida furak liu, fatin ne'e naran
Jardin husi Éden.



Uluk Maromak hakiak Adão, Nia hakiak mundu
ne'ebe furak ho buat ne'ebe mós kapaz loos.


Maromak hakiak detalle ida-idak, foho, no rai-tetuk,
ai-funan no ai-boot mós, manu-fuik ho manu-fulun
ne'ebe nabilan no bani ho ninia lian, baleia haksoik
iha tasi laran no manabe nia neneik.



Ne'e duni, Maromak hakiak
buat hotu ne'ebe
eziste - hotu.




Bainhira hahu, molok Maromak
hakiak buat sira hotu, la iha
buat ida, Maromak de'it mak
iha. La iha ema, fatin ka buat
kualker. La iha buat ida.
Naroman la iha, neim
nakukun mós iha.
La iha buat ida iha
leten neim iha kra'ik.
La iha horiseik neim
aban. Só Maromak
mak iha, no nia la iha
hahu. Entaun Maromak
hatama ba asaun. Iha tempu hahú,
Maromak kria lalehan no mundu.



Iha tempu nebaa, mundu
seidauk iha forma.

Nakukun taka
buat hotu.


Entaun
Maromak
hatete:




"Tenki
iha naroman."




Ko'alia tiha nune'e naroman mos iha. Maromak bolu naroman loron, no nakukun kalan. No iha kalan no dadeer husi loron primeiru.



Iha laron daruak, Maromak hakiak be'e ne'ebe iha tasi laran, mota mós. Iha laron datoluk, Maromak hatete, "Bee iha parte okos ne'e, tenki hamutuk iha fatin ida, para bele iha rai maran." No hanesan ne'e akontese.




Maromak mós fó orden katak du'ut, ai-funan, no ai
hotu mosu. No hanesan ne'e akontese.
No iha kalan no dadeer iha
loron datoluk.



Entaun Maromak hakiak loron,
fulan no fitun sira, barak liu
katak la iha ema ne'ebe bele
konta sira. No iha kalan no
loron iha loron dahaat.




Baladas sira ne'ebe
hela iha tasi laran, ikan
sira no manu-fuik sira
mak tuir iha lista ba
Maromak nia kriasau.
No loron dalimak nia
hakiak ikan no manu.
Maromak hakiak hakiak
ikan oinoi atu moris iha
bee laran no manu fuik
sira atu moris iha rai,
lalehan no tasi. No iha
kalan no dadeer iha
loron dalimak.



Depois hushi hotu ne'e, Maromak hatete fila fali. Nia fó ordem katak rai iha balada katak moris. Balada ho tipo oinoi, insetu no makdolar hahu eziste, elefante no sira seluk. Lekirauk nakar, no lafaek. Insetu ne'ebe semu, jirafa ho ninia kakorok aas liu, no busa maus. Animal hotu-hotu Maromak hakiak iha loron ne'eba.

No iha kalan no dadeer ba loron daneen.



Iha loron daneen Maromak hakiak buat
ne'ebe espesial barak liu. Buat hotu pronto
ona ba ema. Iha hahaan, balada atu servi nia. No
Maromak hatete, "Mai Ita halo ema hanesan Ita nia

aan. Atu sira bele domina
buat hotu-hotu iha mundu".

NUNE'E NA'I MAROMAK
HALO EMA HANESAN
NIA AAN; HANESAN
NIA AAN NIA
HALO EMA ...



Entaun Maromak
hatete ba Adaun:
"Ó bele haan saida
mak ó hakarak
husi jardin ne'e,
maibe ó labele
haan husi ai-hun
ba koñeximentu
husi di'ak ka aat.
Se ó haan husi
ai-hun ne'eba,
ó sei mate."



No Maromak hatete: "La di'ak katak mane hela mesak. Ha'u sei halo ba nia sé mak bele ajuda nia."

Maromak lori manu hotu-hotu no balada hotu-hotu to'o Adão. Adão fó naran ba sira hotu-hotu. Adão ema matenek barak liu atu halo ida ne'e hotu. Maibe iha balada sira hotu nia klaran, la iha ida ne'ebe di'ak ba Adão, tanba sira la'os hanesan nia.



Maromak halo Adão toba dukur tiha.

Enkuantu nia toba, Maromak hasai nia ruin knosen
ida, Maromak halo feto, husi ninia ruin knosen. Feto
ne'ebe Maromak halo mak
kompañeira perfektu
ba Adão.



Maromak kria buat hotu-hotu iha loron daneen. Enatun Maromak fó bensaun ba loron dahituk no halo loron atu deskansa. Iha Jardin Eden, Adão no Eva, ninia feen, halo tuir Maromak no moris ho haksolok perfekteu. Maromak mak Na'i, Provedór no Belun di'ak.




Bainhira Maromak hakiak buat sira hotu
Istória ne'e husi Maromak nia Liafuan, Bíblia,
bele hetan iha


Jenesis kap. 1-2

"Esplikasaun husi ita nia liafuan lori naroman."
Salmu 119:130





1



60



Istória ida ne'e husi Bíblia hatudu mai ita kona-ba ita nia Maromak Maravillozu katak hakiak ita hotu no hakarak katak ita koñese nia.

Maromak hatene katak ita halo buat ne'ebe aat, ne'ebe ita bolu sala. Sala ne'e nia kastigu mak mate, maibe Maromak hadomi tantu ita katak nia haruka ninia oan mesak, Jesus, atu mate iha kruz no selu ita nia sala tomak. Jesus moris fila-fali no ba ninia uma iha paraízu. Se ita fiar ba Jesus no husu ba Nia fó-perdua ita nia sala, Nia fó perdaun. Nia mai moris iha ita nia moris ohin, no ita sei moris ho Nia nafatin.

Se ita fiar katak ne'e mak lia-loos, dehan ida ne'e ba Maromak: Ha'u nia Jesus, ha'u fiar katak Ita-Boot mak Maromak, no sai mane atu mate tan ha'u nia sala, no agora Ita-Boot moris fila-fali. Halo favor, tama iha ha'u nia moris no perdua ha'u nia sala, atu ha'u bele iha moris foun ida, no loron ida sei ba hela hamutuk ho Ita-Boot nafatin. Ajuda ha'u halo tuir no moris ba Ita-Boot nu'udar ita nia oan. Amem.

Lee Bíblia no ko'alia ho Maromak loron ba loron! João 3.16

